

preduzetim radi otklanjanja rizika, odnosno uzroka nastanka povrede, profesionalnog oboljenja ili smrtnog slučaja, podatak o dužini trajanja privremene spriječenosti za rad, kao i druge eventualne napomene od značaja,

- e) evidencija o ljekarskim pregledima radnika sadrži ime i prezime i naziv radnog mjesta radnika, podatke o ovlaštenoj zdravstvenoj ustanovi koje je izvršila ljekarski pregled, datum ljekarskog pregleda, podatke o utvrđenoj radnoj sposobnosti i eventualnom profesionalnom oboljenju ili invalidnosti, kao i druge eventualne napomene od značaja.

Član 21.

(Dostavljanje izvještaja o povredi na radu i profesionalnom oboljenju)

- (1) Poslodavac će dostaviti izvještaj o povredi na radu koja se dogodi i profesionalnom oboljenju koje nastane na radnom mjestu, radniku koji je pretrpio povredu, odnosno kod kojeg je nastalo oboljenje, nadležnom zavodu zdravstvenog osiguranja kod kojeg je radnik zdravstveno osiguran, kao i nadležnoj inspekciji rada, u roku od sedam dana od dana pretrpljene povrede odnosno nastanka oboljenja.
- (2) Izvještaj iz stava (1) ovog člana podnosi se na obrascu čiji sadržaj i način podnošenja propisan Pravilnikom o sadržaju i načinu podnošenja izvještaja o povredi na radu i profesionalnoj bolesti ("Službene novine Kantona Sarajevo", broj 9/23).

Član 22.

(Obaveza obavještavanja inspekcije rada)

- (1) O svakom smrtnom slučaju, težoj povredi na radu, profesionalnom oboljenju i svakoj pojavi koja bi mogla ugroziti život ili zdravlje radnika na radu Poslodavac će odmah obavijestiti Kantonalnu upravu za inspeksijske poslove - Inspektorat rada, zašтите na radu i socijalne zaštite.
- (2) Za svaku povredu na radu Poslodavac je dužno na uviđaj pozvati neposrednog rukovodioca povrijeđenog radnika.

POGLAVLJE VI - PRIJELAZNE I ZAVRŠNE ODREDBE

Član 23.

(Primjena propisa)

Na sva pitanja koja nisu regulisana odredbama ovog pravilnika, primjenjuju se važeći propisi koji se odnose na zaštitu na radu.

Član 24.

(Izmjene i dopune pravilnika)

Poslodavac će pristupiti izmjenama i dopunama Akta o procjeni rizika i ovog pravilnika u slučajevima propisanim Zakonom o zaštiti na radu i Pravilima o procjeni rizika.

Član 25.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 04-04-50567/24

12. decembra 2024. godine

Sarajevo

Ministar

Adnan Šteta, s. r.

Ministarstvo finansija Kantona Sarajevo

Na osnovu člana 18. stav (2) Zakona o trezoru u Federaciji Bosne i Hercegovine ("Službene novine Federacije BiH", br. 26/16, 3/20 i 60/23), ministar finansija Kantona Sarajevo donosi

UPUTSTVO

O IZMJENI I DOPUNI UPUTSTVA O PRIKUPLJANJU, EVIDENTIRANJU I RASPOLAGANJU VLASTITIM PRIHODIMA OD STRANE BUDŽETSKIH KORISNIKA

Član 1.

(Izmjena člana 2. Uputstva)

U Uputstvu o prikupljanju, evidentiranju i raspolaganju vlastitim prihodima od strane budžetskih korisnika ("Službene novine Kantona Sarajevo", broj 10/17) u članu 2. (Vlastiti prihodi) stav (3) mijenja se i glasi:

"(3) Vrste vlastitih prihoda utvrđene su Pravilnikom o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22), a korištenje vlastitih prihoda budžetski korisnici su dužni utvrditi posebnim aktom u skladu sa navedenim pravilnikom."

Član 2.

(Dopuna člana 14. Uputstva)

U članu 14. (Preknjiženje pogrešno uplaćenih vlastitih prihoda) iza stava (2) dodaje se novi stav (3) koji glasi:

"(3) Pogrešno uplaćeni vlastiti javni prihodi na kontima 722426 - Naknade za troškove smještaja korisnika u ustanove socijalne zaštite, 722429 - Ostale kantonalne naknade i 722631 - Vlastiti prihodi budžetskih korisnika, mogu se preknjižiti na vrste vlastitih javnih prihoda utvrđenih Pravilnikom o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22)."

Dosadašnji st. (3) i (4) postaju st. (4) i (5).

Član 3.

(Stupanje na snagu)

Ovo Uputstvo stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-7519/24

04. marta 2024. godine

Sarajevo

Ministar

Dr. Afan Kalamujić, s. r.

GRAD SARAJEVO

Gradonačelnik

Na osnovu člana 78., a u vezi sa članom 79. Statuta Grada Sarajeva ("Službene novine Kantona Sarajevo", broj 7/23) i člana 12. Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), gradonačelnik Grada Sarajeva donosi

ODLUKU

O UNOSU UPLAĆENE DONACIJE U BUDŽET GRADA SARAJEVA ZA 2024. GODINU

I

Odobrava se unos donacije od pravnih lica u Budžet Grada Sarajeva za 2024. godinu kako slijedi:

- Odobrava se unos sredstava (Donacije od pravnih lica 733 112) u Budžet Grada Sarajeva za 2024. godine u iznosu od 100.001 KM, koja su Gradu Sarajevo doznačena od strane NLB Banke na osnovu potpisanog Ugovora broj 07-11-5909/24. Sredstva će se evidentirati na:

Org. jedinica	Naziv gradske službe	Konto prihoda	Konto rashoda	Izvor	Iznos KM
10010004	Gradska služba za lokalno poslovanje	733 112 Donacije od pravnih lica	613900 - Doček Nove godine	40	100.001,00